

Pristanak na redovno samostalno testiranje na COVID-19 u školskoj godini 2021/22

Za redovno samostalno testiranje na COVID-19 (antigenki testovi i PCR testovi) potreban je pristanak osobe koja će se testirati odn. pristanak roditelja ili staratelja ako se radi o školskoj djeci koja još nisu navršila 14 godina starosti. Taj pristanak važi za redovno testiranje antigenkim testovima i PCR testovima u školskoj godini 2021/22 te kod PCR testova i za obradu sljedećih podataka:

- ime i prezime učenice odn. učenika i razreda koji ona ili on pohađa
- kontakt podaci roditelja odn. staratelja (broj telefona i e-mail)
- broj testne epruvete (= broj na etiketi knjižice "Corona-Testpass")
- testni rezultat

Napomena: Povezivanje podataka učenice ili učenika odn. roditelja ili staratelja sa testnim rezultatom iz laboratorije vrši se isključivo u slučaju pozitivnog rezultata i to na lokaciji škole. Testni rezultati brišu se nakon sedmicu dana nakon što ih škola primi.

Provodenje samostalnog PCR testiranja na COVID-19:

- PCR testovi provode se u školi ispiranjem usta u trajanju od 30 sekundi. (Kod testne tečnosti radi se o pitkoj vodi kojoj je dodata kuhinjska sol koja se koristi za prehrambene proizvode).
- Svaka učenica odn. svaki učenik dobija list s naljepnicama na kojima je njihov lični QR-kôd.
- Neposredno nakon svakog testiranja učenica odn. učenik stavlja naljepnicu sa svojim QR-kôdom na svoju testnu epruvetu (na čep epruvete).
- Time se onemogućuje direktno povezivanje uzorka s konkretnom učenicom odn. učenikom izvan škole.
- Testne epruvete šalju se laboratoriji koja je certificirana za analizu, zajedno s informacijom o školi u kojoj su uzorci prikupljeni. Laboratorija šalje školi izvještaj s ukupnim brojem testova prikupljenih na toj lokaciji i iskazuje one QR- kôdove kod kojih je otkriven virus COVID-19.
- Škola je u mogućnosti da QR- kôdove s pozitivnim rezultatom poveže s određenom učenicom odn. učenikom.
- U slučaju pozitivnog testnog rezultata škola odmah obavještava određenu učenicu odn. učenika te njihove roditelje odn. staratelje. Pozitivni testni rezultati moraju se prema § 3 st. 1. Zakona o epidemiji prijaviti nadležnoj zdravstvenoj službi.
- Negativan testni rezultat evidentira se u knjižici „Corona-Testpass“ koju su učenica odn. učenik dobili.

Više **detalja o samostalnom PCR testiranju** naći ćete na stranici:

www.bmbwf.gv.at/allesspuelt

Detalje o samostalnom testiranju na COVID-19 antigenkim testovima naći ćete na stranici:

www.bmbwf.gv.at/selbsttest

Više **informacija o zaštiti podataka** u oblasti Ministarstva za obrazovanje, nauku/znanost i istraživanje (BMBWF) naći ćete na stranici:

www.bmbwf.gv.at/datenschutzschulen

Einwilligung für die regelmäßige Durchführung von COVID-19-Selbsttests im Schuljahr 2021/22 –

Bosnisch / Kroatisch / Serbisch

IZJAVA O PRISTANKU

Ja, (ime i prezime), dostupna/an na
(broj telefona) i (e-mail adresa), pristajem na to da se ja odn. moje
dijete koje je mlađe od 14 godina, (ime i prezime)

- samostalno testiram/testira antigenskim testovima na COVID-19 (bez uzimanja brisa iz stražnjeg dijela nosa ili grla)
- samostalno testiram/testira PCR testovima na COVID-19 (ispiranjem usta) te na obradu gore navedenih podataka u gore opisane svrhe samostalnog testiranja u školama.

Mjesto, datum

Potpis učenice, učenika odn. zakonske zastupnice/zakonskog zastupnika

Ime (štampanim slovima)

Opoziv/povlačenje izjave:

Ova izjava o pristanku na obradu ličnih podataka i izjava o pristanku na uzimanje uzoraka za PCR testove i antigenske testove može se u bilo koje vrijeme opozvati pismenim putem, tj. slanjem opoziva školi (poštom, e-mailom, putem faksa). Opoziv pristanka ne utiče na zakonitost mjera i obrade podataka koji su već prethodno izvršeni. Od trenutka opoziva u školi se više neće vršiti nikakva testiranja na koja se taj opoziv odnosi.

Molimo da svom djetu date potpisano Izjavu o pristanku da je ponese sa sobom u školu. Izjava se čuva u školi.